

Tuzla, 24.10.2024.

Protokol br. KP-I-503/24;

Br. Javnog poziva: 11– FRK - 2/2024

JAVNI POZIV U OKVIRU PROGRAMA FILANTROPIJE

Fondacija tuzlanske zajednice poziva zainteresovane organizacije civilnog društva i neformalne grupe građana iz Bosne i Hercegovine da se pridruže u realizaciji kampanje/a za namicanje sredstava kojim će se mobilizirati lokalni resursi za rješavanje lokalnih inicijativa i projekata.

U partnerstvu sa USAID-om, u okviru programa „Snaga lokalnog“ i projekta “Naša zajednica je naša odgovornost”, Fondacija tuzlanske zajednice (FTZ) objavljuje Javni poziv za podršku organizacijama civilnog društva (OCD) i neformalnim grupama građana (NGG) s područja cijele Bosne i Hercegovine (BiH) za pokretanje kampanja za namicanje sredstava kako bi se realizovale lokalne inicijative za dobrobit zajednice.

Kampanje za namicanje sredstava od strane OCD i NGG s područja BiH, trebaju da mobiliziraju lokalne resurse i dobiju podršku od lokalnih donatora (pojedinaца i preduzeća) za realizaciju društveno korisnih projekata koje OCD i NGG žele realizovati u zajednicama u kojima djeluju. FTZ će za odabrane lokalne inicijative za koje će se namicati sredstva od lokalnih donatora, izdvojiti početni startni grant u vrijednosti od 10.000KM do 20.000KM po inicijativi, kako bi se podstakla dodatna filantropska sredstva od lokalnih donatora u jednakom iznosu.

Pored pružanja podrške lokalnim inicijativama, cilj poziva je da se poveća vidljivost i transparentnost filantropskih sredstava koje koriste OCD i NGG u BiH.

CILJEVI POZIVA

- Mobilizirati lokalne resurse u rješavanju problema od društvenog interesa;
- Unaprijediti saradnju OCD i NGG sa lokalnim donatorima (pojedincima i biznisima)
- Ojačati kapacitete OCD i NGG za uspješno i transparentno provođenje lokalnih inicijativa i kampanja za namicanje sredstava u svojim lokalnim zajednicama;
- Odgovoriti na potrebu rješavanja lokalnih problema

KO MOŽE APLICIRATI?

Aplicirati mogu OCD i NGG iz cijele BiH, koje zadovoljavaju sljedeće osnovne kriterije:

- Žele realizovati društveno korisne projekte kojima će se poboljšati uslovi življenja u lokalnoj zajednici;
- Imaju već izgrađene odnose sa ljudima u lokalnoj zajednici i značajan krug potencijalnih lokalnih donatora i žele graditi povjerenje u svojoj zajednici,

- Žele sa drugim OCD u BiH promovisati vrijednosti filantropije kao važnog segmenta za razvoj društva u BiH;
- Spremni su na transparentno i odgovorno upravljanje finansijskim sredstvima dobivenim od FTZ i lokalnih donatora.

Prednost u pozivu imaju projekti OCD i NGG koje pružaju pomoć u sanaciji šteta i posljedica od poplava koje su zadesile lokalne zajednice na jugu BiH, u oktobru 2024, kao i projekti usmjereni na jačanje kapaciteta OCD koje svojim djelovanjem aktivno provode aktivnosti kojima se mogu izbjeći ili smanjiti posljedice izazvane prirodnim i drugim nesrećama u budućnosti.

Napomena: Neformalne grupe moraju imenovati 3 punoljetne osobe koje će preuzeti punu odgovornost za realizaciju lokalne inicijative.

PODRŠKA ZA REALIZACIJU KAMPANJE ZA NAMICANJE SREDSTAVA

- Ukupna vrijednost projekta (lokalne inicijative) za koju se namiču sredstva, ne može biti manja od 15.000KM.
- FTZ će za odabrane lokalne inicijative obezbijediti početni iznos podrške do 67% od ukupne vrijednosti projekta (lokalne inicijative), i to ne manji od 10.000KM i ne veći od 20.000KM po inicijativi.
- Sredstva mogu biti operativna samo pod uslovom da OCD ili NGG kroz kampanju za namicanje sredstava od lokalnih donatora obezbjede najmanje 33% sredstava od ukupne vrijednosti projekta
- Aplikanti čije lokalne inicijative, odnosno kampanje budu odabrane, će dobiti stručnu mentorsku podršku od FTZ tima za provođenje kampanje/a kao i besplatno korištenje platforme za online grupno finansiranje www.doniraj.ba
- Aplikanti mogu aplicirati samo sa jednom lokalnom inicijativom/ kampanjom na ovaj poziv (više u kriterijima).

ROK ZA PRIJAVU

Prijedlozi projekata/kampanja se mogu dostaviti do 10. novembra 2024. godine.

ROK ZA REALIZACIJU:

- Rok za namicanje sredstava iz lokalnih izvora je 60 dana od dana potpisivanja Ugovora sa FTZ.
- Sredstva koja su predmet ovog poziva mogu biti operativna kada se obezbijedi učešće od minimum 33% od ukupnog iznosa projekta (lokalne inicijative)
- Krajnji rok za realizacija projekta za koji su namaknuta sredstva je 30.06.2025.

ŠTA PODRŽAVAMO?

- Kampanje koje promovišu filantropiju, građanski aktivizam i volonterizam;
- Kampanje u kojima je vidljiva saradnja i podrška lokalnih partnera u zajednici (pojedinaца, preduzeća, udruženja, javnih institucija, vlasti, itd.). Poželjno je da aplikanti dostave potvrdu da će drugi akteri sudjelovati u realizaciju projekta,
- Prednost će se dati kampanjama koje uključuju veći broj građana iz lokalne zajednice u realizaciju projekta za koji se namiču sredstva,.
- Kampanje u kojima je za rješavanje konkretnog i prioritetnog problema ili zadovoljenje određene potrebe u zajednici ili ciljnoj grupi neophodno minimum 15.000KM.
- Kampanje koje su usmjerene na rješavanje konkretnog prioritetnog problema ili potrebe u zajednici u sljedećim oblastima:

-PREVENCIJA I SMANJENJE POSLJEDICA PRIRODNIH I DRUGIH NESREĆA

- OČUVANJE PRIRODE, BRIGA O OKOLIŠU I KLIMI

- KVALITETNO OBRAZOVANJE I CJELOŽIVOTNO UČENJE

- SMANJENJE NEJEDNAKOSTI I LJUDSKA PRAVA;

Projekti mogu biti i iz drugih oblasti, pri čemu projekti iz gore navedenih oblasti imaju prednost.

ŠTA NE PODRŽAVAMO?

- Kampanje koje su usmjerene na prikupljanje sredstava u korist pojedinaca (**studijska i profesionalna usavršavanja, stipendije, liječenje, rješavanje stambenog pitanja, razvoj biznisa, humanitarne akcije, itd**).
- Kampanje koje su usmjerene na prikupljanje sredstava za fondove, godišnje finansiranje udruženja, otplate dugova, kredita i regranting.
- Kampanje koje su usmjerene na prikupljanje sredstava za projekte koji su već završeni;
- Kampanje koje su usmjerene na prikupljanje sredstava usmjerenih u korist djelovanja i promocije političkih i vjerskih institucija, ideologija i praksi.
- Kampanje koje su usmjerene na prikupljanje sredstava usmjerenih **na infrastrukturne investicije i/ili renoviranja (putevi, zgrade ili drugi objekti, mostovi, postrojenja za pročišćavanje vode i vertikalne strukture kao što su saobraćajna signalizacija, ulična rasvjeta i sl., iskopavanje, korištenja bagera i sličnih mašina)**; poboljšanje ili strukturnu promjenu postojeće nekretnine kako bi se omogućila njena dalja ili učinkovitija upotreba unutar predviđene svrhe ili uređenje za promjenu namjene, **ali možemo podržati nestrukturne radove koji uključuju bojenje, krečenje, zamjenu podova, zidnih obloga, postavljanje polica, nabavku namještaja, opreme itD**).
- Kampanje koje su usmjerene na prikupljanje sredstava usmjerenih na poboljšanja ili nadogradnju mehaničkih, električnih ili drugih građevinskih **systema ali možemo podržati zamjenu i kupovinu opreme**.
- Kampanje u kojima je za rješavanje konkretnog i prioritetnog problema ili zadovoljenje određene potrebe u zajednici ili ciljnoj grupi **neophodno manje od 15.000KM**.

(više u Kriterijima).

Napomena: Sredstva iz ovog Javnog poziva ne uključuju troškove poreza na dodanu vrijednost, PDV. Sva pravna lica koja dobiju ova sredstva mogu ostvariti pravo na povrat PDV-a preko Uprave za indirektno oporezivanje. Shodno prethodno navedenom, aplikanti su obavezni prilikom popunjavanja budžeta projekta da unose isključivo cijene i vrijednosti robe bez PDV-a u koloni "Potraživanja od FTZ", dok u kolonama koje se odnose na vlastito učešće unose iznose sa PDV-om.

KAKO APLICIRATI?

Aplicirati možete tako što ćete popuniti obrazac za prijavu i poslati ga na e-mail filantropija@fondacijatz.org Nakon uvida u projektnu aplikaciju od strane grant tima, aplikant će putem e-maila dobiti potvrdu prijema aplikacije, koji ste dužni u roku od 7 dana dostaviti, potpisan i ovjeren u dva štampana primjerka, na adresu Fondacije: Sead bega Kulovića br. 4 75000 Tuzla.

Ukoliko vam je potrebna podrška prilikom razrade ideje i/ili ispunjavanja aplikacije možete se obratiti na e-mail filantropija@fondacijatz.org sa naznakom "Poziv-kampanje" ili direktno na brojeve telefona 035 368-387 i 061 209 458.

Formalno pravne organizacije uz aplikaciju su obavezne dostaviti:

- rješenje o registraciji - samo za aplikante koji prvi puta apliciraju Fondaciji (kopija),
- statut organizacije - samo za aplikante koji prvi puta apliciraju Fondaciji (kopija),
- finansijski izvještaj za prethodnu godinu (bilans stanja i bilans uspjeha-kopija),
- dokaz o otvorenom žiro računu u banci (kopija), i
- izjavu/e o partnerstvu, ako se radi o partnerskim projektima.

Finansijska podrška neće biti dodijeljena za aplikacije koje su nepotpune, kao ni onima koji pristignu nakon navedenog roka ili ne budu dostavljeni na prethodno navedeni način, kao i onima koji dostave prijave na neodgovarajućim obrascima.



U Tuzli, 24.10.2024.

Jasna Jašarević, direktorica

Fondacija tuzlanske zajednice